

Zeitschrift: Il glogn : calender dil pievel : annalas per historia, litteratura e cultura romontscha

Band: 1 (1927)

Rubrik: Legns per 1927

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use


The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 07.07.2025

ETH-Bibliothek Zürich, E-Periodica, <https://www.e-periodica.ch>

Legns per 1927.

I.



Formescha ordlunder:

1. ina letra
2. ina bibronda.
3. in flum grischun.
4. in instrument.
5. num biblic.
6. pign liug el Grischun.
7. ina letra.
8. la lingia per miez giu dat ina enzenna dil firmament.

II.

Jeu vivel flot e bein
Ed senza bia quitaus.
Sun loschs sco in pulein
Ed hai mai n'in ruaus.
Attachel pign e grond ;
Negin ei, sco jeu, retg.
Bia larmas en in onn
Ein miu tribut e dretg.

III.

Has ti mei instradau,
Vul ti mei gudignar.
Has ti mei gudignau,
Has ti ca mei, miu car !

IV.

Tgei ama scadin pli fetg che la veta
E tema pli fetg che la mort ?

Tgei ha in pupratsch de gronda valeta ?

Tgei spend'il ranver per il sport ?

Tgei spargn'il levsenn en persuna ?

Tgei fan ils Chines a Glaruna ?

Uss mira, pertratga ; mo anflas ti nuot :

Lu sappies, la mar drova pli ch'in daguet !

V.

Las nialas sin miu tgau antruras
S'alzavan loschamein ;
Tschupials de giuvna fegl'e fluras
Ornavan mei schi bein.
Uss, scutschinadas e burridas,
Sestorschan tochen plaun ;
Pertgei las femnas, las futidas,
Han mei savens en maun.

Diversa.

Il fimar tubac.

Columbus che ha descuvretg l'America (1492) ha viu, co ils habitonts de quella tiara fiman rollas cilindricas ded ina jarva nunenconuschenta, zugliada en feglia de terc. Els numnavan quella jarva tabaco. Entras glieud ord la suita dil grond descuvrider ei il tubac gleiti vegnius importaus ella Europa. Igl emprem han ins cultivau la nova plonta sco medischina ed jarva quasi miraculusa e duvrava ella principalmein per trer. Entuorn la mesada dil 16. tschentaner han matros spagnols e colonists engles importau ord Virginia (America settentrionala) l'isonza de fimar tubac tier nus. Il capitani Sir Walter Raleygh, che haveva viu curch'el ha descuvretg la Virginia, co ils Indians cultivavan il tubac generalmein, duei esser staus igl emprem tubacheder ella Engheltiara. Cu Raleygh ha fima per l'emprema gada en sia combra de studi, — aschia vegn ei raquintau, — seigi siu fideivel survient currius a clamond per agid ord la stanza, vesend co il fem culava ord bucca e nas de siu patrun e cartend ch'il tgau de quel hagi peggiau fiug. All' entschatta dil 17. tschentaner fiman ins generalmein ell' Europa malgrad ils perpart rigurus scammeds relaschai per dismetter quella nova disa. Il pli rigurus ein ins passaus en ella Russia encounter il fimar tubac. Leu vegneva ei semplamein tagliau giu il nas als tubacheders gliez temps, pervia de lur „demanar infernal“.

Oz il di ei il fimar tubac serasaus ora dapertut. Fimar moderadamein dat beinduras buca bia donn agl organismus cumpleinamein sviluppau. Encuntercomi fa ei segiramein donn ad in organismus giuven, aunc buca carschius ora, e duess

el leu en interess della sanadad vegnir evitau dal tut.

Il moviment dellas alas d'ina mustga: Las mu stgas de casa, che produceschau il tun F cun lur rueida, muentan lur alas 20100 gadas per minuta, ni 355 gadas per secunda. Igl aviul cun 440 fridas dellas alas per secunda dat en il tun A. In aviul staunchel cun mo 330 fridas dellas alas per secunda dat en il tun E.

Fontaunas cauldas (termas). En biars loghens sin la surfatscha della tiara, principalmein en contradas vulcanicas, neschan ord gronda profunditad fontaunas cauldas. Lur aua ei bein savens buglienta. Atras cavas e sfendaglias ella greppa vegn ella entochen tier la crusta della tiara, penetrescha quella e seglia savens cun gronda pressiun schi ault sco in clutger.

Las fontaunas cauldas meinan savens fetg custeivas gredienzas mineralicas cun ellas. Già ils Romans savevan appreziar la forza medegonta de talas fontaunas. A Roma ed en auters loghens anflan ins aunc oz restonzas de semeglionts cundrezs de far bogn. Teofrast Paracelsus, in perdert svizzer dil 16. tschentaner, ei staus igl emprem che ha intercuretg exactamein igl effect sanitarii dellas fontaunas cauldas e precisau las gredienzas chemicalas dellas auas mineralas. El ha aschia dau l'iniziativa per l' elaboraziun scientifica per la scienzia sur las curas ded aua. — En Svizzera dat ei in entir diember fontaunas cauldas renomadas, per ex. a Faveras, Baden, S. Murezi etc.